

مجموعه ابوالضیا

ماسوا شایسته‌مدن دلی تطهیرہ چالش
پرتو حکمت و عرفان ایله تنویرہ آتش

علوم و معارفدن بحث ایدرہ و هر ماه عربی ابتدائیه اون یشتاده نشر اولنور فنون غزته‌سدرہ

نومرو ۱۲ [فی غره ریم الاول سنه ۱۲۹۸] نسخه‌سی ۳ فروش

اعلان خصوص

آلتی ایلق آبونہ‌لک مدتی بونسخه‌ده ختام بولمشدر . بناء علیه تجدید
اشتراک ره رغبت ایدہ‌جک ذواتک اون اوچنجی نسخه‌نک ظهورندن مقدم
اصولی اوزره بیان حال ایتله‌ری اقتضا ایدر .

تنبیه

برنجی جلدک مندرجاتی مبین حروف هجا ایله مکمل بر فهرس ترتیب
وبونسخه‌یه ربط ایدلشددر . بر جلد اعتبار اولنان اون ایکی نسخه‌بی تجلید
ایستدیره‌جک ذواتک مذکور فهرس تهجی‌بی جلدک اولته وضع ایتله‌ری
اخطار اولنور .

مقامه شکران

جناب موفق الامورک توفیق و عنایتله مجموعه‌مزک جلد اولی اشبو
اون ایکنجی نسخه‌ده پذیرای ختام اولمشدر :
اثر عاجزانه‌مزک مدت ظهور و انتشاری اولان ۶ آی ظرفنده‌مظهر
اولس‌دیغی قبول عامه خدمت‌زده دوام و ابراز مأثر ترقیه اقدام‌زی موجب
اوله‌جق مرته‌ده اولغله هرجه‌تله شایان شکر اندر .

مجموعه منك برنجی نسخه سنده نشر ایلدیکمز پروغرام البته خاطر ل -
 ده در . شمعی به قدر نشر اولان ۱۲ نسخه ده آنک ناطق اولدیغی شرائطی
 تمایله ایفا ایلدیکمز ادعا ایلده من ایسه کده ممکن اولدیغی قدر اودا نره دن
 خارجه چیقماغه اعتنا ایتدیکمز مقام تحدیدنه بیان ایلده بیلیرز .

هر کسک هر تشبثی بر مقصد مخصوصه مسقطد بولنه جنجی قابل انکار
 دکلر . بنده کزک بو بابده کی مقصدم ایسه اخوان و ظم آره سنده
 - ولو بودر جلدده ناچیرانه اولسون - نشر معرفته وساطتدر .

در عهده ایلدیکم خدمت نشریات نه قدر دکر سنز اولسه ده بالاترینی
 ایقابه مقتدر اولوبده فعلیاتنده بولمیانلرک تصور اتندن بیک قات شرفی در .
 بوز غروشه مالک اولوبده ایچندن اون غروشنی حسنات او غورنده بذل
 و ایاریدن بر آدم میلیونلره مالک اولدیغی حالده بر پولنی فدا ایمان بر بخیلدن
 بیک قات خیرلی اولدیغی کی .

شو خدمت عاجزانه مدن بر کونه منفعت ماده آرزو سنده دکل ؛ فقط
 متضرر اولمغی ده ایسته م ؛ زیرا خدا نکرده تعطیل خدمتی موجب اولور .
 معلوم اولدیغی اوزره مملکتیزده نشریات ایله اشتغال ایدنلرک همان
 کافه سی جدأ سزاوار تعزیت بر حالده در .

بوراده بر آدم نشر ایتدیکی برائرک محصولاتی مصر و فاتیله باشه باش
 کتیر رسه کندیسنی پک بیوک بختیار بیللی در . جناب حقک لطفنه تشکر
 ایدرم که هر فصله میدان قویدیغیم شو رساله م مصارفنی اودیجه ک در جده ده
 رغبت عامه بی قزاعشدر . اگرچه باصمه جیلیق و کتابجیلیق عالمنده کی امثالرک
 طورینی تقلید ایله اثرمزی پاچاوره کاغذلی اوزرینه سیاه بویا سورمه کن
 عبارت بر حالده چیقارسه ق احتمال که شمعیکی ایرادی یالکز بر نسخه سنک
 مصارفنی دکل بلد که بش دفعه سنک محتاج اولدیغی مصارفنی ایقابه کفایت
 ایدردی . نه چاره که بنده کز نفسمنده نفایسه نه قدر منهک ایسه م «اثر مدر»

دیه میدانه قویدیم برشیتک دخی هیچ اولمزه شکل و صورنجه اولسون
نفیس اولمقلغنی آرزو ایدنلردنم .

چرکین براندامک قبیاحنی کوزل اثواب فصل سترایدسه کوزل کاغده
حسن طبع دخی مرتبلمزک ملکات معناده لری اولان خطیاتی و مؤلفلرک
دخی غلطات وهقواتنی سترایدنر .

هیچ او قومق بیلیان برآدمه دخی عرض اولنه جق اولسه جناب حقک
احسان ایتمش اولدیغنی نظرتیمیر سایه سنده «نه کوزل باصلمش!» دبه ایکی
کلمه تحسین تفوه ایتمی ناشر و ممثل ایچون ینه برنوع مکافاتنر .

ایشته بوملاحظه لره مبنی بزده منفعت نقدیه بی برطرف ایدهرک، نفاست
مادییه خدمت ایتمک ایسته دکده اجزای تمثیلاک الک نفیسنی تدارک ایلدک .

*

حامیه مدیون اولدیغیز تشکرک ایفاسی صره سنده خاصه تک دخی
ذکر جیلانی فراموش ایتمیم ؛ اوایسه اکثر آثارمک طبعنه وساطت ایدن
مهران افندیئر .

ملکمترده خصوصی مطبعه لک ظهور واحداثته همت ایدن شناسی
مرحومک طباعت عثمانیه ده کوسه تردیکی مؤثراتخصای نفاست ومعرفندن
صکره، مهران افندی قدر ابراز مهارت ایتمش برطباع دهاکوره مدک .

اثرمک فی موضوعنی خالی عدایدنلرده بولنیورمش!

اوت! خالیدر ؛ فقط بزمکی دکل . اگر او قطعدهده باصلمش سائر
اثرله مقابسه به تنزل بیوریلورسه غلای فیأته خاصه بزم مجموعه بی مثال
طوتانلرک کنندی نظر انصافلری او کنده کندیلرینی حقسنز کوره جکلرندن
امینر .

معافیله - بودرلو کفتمکوره، بهانه لره حاجت قلاماق اوزره - قدرت
عمومیه ایله متناسب برائر دیگر دهاکوشرینه بسمله کش ابتدا اولمق

عزمندہ یز . آئی ایسہ ۱۶ صحیفہ اوزرینہ ترتیب ایلہ ہفتہ دہہ بر کرہ نشر
ایلیہ جکز؛ و بر عدد (غروش) مقابلندہ ویرہ جکز .

وبناء علیہ مجموعہ مزک بدانی عالی کورن یاران معرفتی اشبو اثر نوین
ایلہ بزده تجربہ ایلیہ جکز .

اٹمی ایسہ یوم انتشارنی ناطق و حال و شانہ موافق اولمق اوزرہ جمعہ
تسمیہ قلنہ جقدر .

جمعہ اسلام اپچون ہم پر یوم مقدسدر و ہمدہ بومئلاو رسالہ علم اولمغہ
سزا - جامع الکلم - بر لفظ انفسدر . ابوالضیا . توفیق ،

تیا ترو

..... فکر مجہ تیا ترو اساساً اولیہ معرفت و یا اخلاق مکتبی دکل
عادتا برا کلنجہ در . حتی بر طاقم حزین حزین فاجعہ زدہ تیا ترو لی اکلنجہ -
لکدن چیقارہ مز .

بیلم کہ « خیر الماکرین » انسانی نہ غریب برا منجانہ او غراتمش ! اک زیادہ
صفا بخش اولمق لازم کلان شیر کو کلارہ اک بیوک حزین ابراٹ ایدیور ؛
کو کلارہ اک بیوک حزین ابراٹ ایدن شیردہ اک زیادہ صفا بخش اولیور !
بر کوزل غروب و یا طلوع کوز او کمنہ آلتسوندہ دوشونلسون ! بویلہ
بر تماشادن کوزلی اشک نأرلہ طولز و یا خود اشک نأرلہ طولی کوزلینی
بویلہ بر تماشادن چوریر بر « صاحب قلب » وارمیدر ؟

انسان دنیا دہ بر کوزل تماشاسی قدر نہ ایلہ اکلندہ یلیور ؟ دنیا دہ انسانہ
بر کوزل تماشاسی قدر حزین ابراٹ ایدہ جک نہ بولنور ؟

بر کوکل عشقک - ذاتندہ دکل حتی - حزیندہ بولدیغی لذتی بشقہ سندہ
بولہ یلیرمی ؟ عشقک - ذاتی دکل حتی - اقصی الغایاتی اولان وصال قدر
بر قلبی محزون ایدہ جک نہ واردر ؟